

О‘ЗБЕКИСТОН RESPUBLIKASI  
VAZIRLAR MAHKAMASINING  
QARORI



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

« 9 » ИЮЛЬ 20 19 у.

№ 566

Toshkent sh.

**Ўзини ўзи банд қилган фуқаролар учун вақтинчалик  
меҳнат гувоҳномасини жорий этиш тўғрисида**

Ўзбекистон Республикаси Президентининг “2019 йилда аҳоли бандлигини таъминлаш ва янги иш ўринларини ташкил этиш бўйича давлат буюртмаси тўғрисида” 2019 йил 5 мартдаги ПҚ–4227-сон қарорини ижро этиш юзасидан, шунингдек, ўзини ўзи банд қилиш ҳисобига ўзини меҳнат даромади билан таъминлайдиган шахсларнинг меҳнат фаолиятини тартибга солиш мақсадида Вазирлар Маҳкамаси **қарор қилади:**

1. 2019 йил 1 сентябрдан бошлаб ўзини ўзи банд қилган фуқароларга вақтинчалик меҳнат гувоҳномалари, уларнинг эгаларига меҳнат стажини ҳисобга олиш ва рағбатлантирувчи имтиёزلардан фойдаланиш ҳуқуқи берилишини назарда тутадиган тартиб жорий қилинсин.

2. Қуйидагилар:

Ўзини ўзи банд қилган фуқароларга вақтинчалик меҳнат гувоҳномаси бериш тартиби тўғрисидаги низом 1-иловага мувофиқ;

ўзини ўзи банд қилган фуқароларга вақтинчалик меҳнат гувоҳномасини бериш схемаси 2-иловага мувофиқ;

ўзини ўзи банд қилган фуқароларга вақтинчалик меҳнат гувоҳномалари бериладиган фаолият (хизматлар, ишлар) турлари рўйхати 3-иловага мувофиқ тасдиқлансин.

3. Белгилаб қўйилсинки:

меҳнат даромади олишга йўналтирилган жисмоний ва юридик шахсларга хизматлар кўрсатиш, ишларни бажариш бўйича шахсий меҳнати билан иштирок этишга асосланган фаолиятни мустақил амалга оширадиган, якка тартибдаги тадбиркор сифатида рўйхатга олинмаган ва ўз фаолиятида ёлланма ходимлар меҳнатидан фойдаланмайдиган жисмоний шахслар меҳнат стажини ҳисобга олиш ва рағбатлантирувчи имтиёزلардан фойдаланиш ҳуқуқи билан вақтинчалик меҳнат гувоҳномалари (кейинги ўринларда меҳнат гувоҳномалари деб аталади) бериладиган ўзини ўзи банд қилган фуқаролар ҳисобланади;

Ўзини ўзи банд қилган фуқароларга меҳнат гувоҳномаси меҳнат органлари томонидан уларнинг доимий яшаш жойидан қатъи назар (экстерриториаллик принципи бўйича) пулли асосида берилади, ушбу тўловларни ундиришдан тушган тушумларнинг бир қисми ўзини ўзи банд қилганларнинг пенсия сугуртасини таъминлашга мақсадли йўналтирилади;

вақтинчалик меҳнат гувоҳномалари берилган санадан бошлаб ва улар амал қилишининг бутун даври пенсияни ҳисоблаб чиқариш учун фуқароларнинг меҳнат стажига ҳисобланади;

ташкilotлар томонидан ўзини ўзи банд қилган мақомига эга бўлган фуқароларни шартнома асосида хизматлар кўрсатиш ва ишларни бажариш бўйича фаолиятга жалб қилишга йўл қўйилади. Бунда кўрсатиб ўтилган фуқаролар меҳнатига ҳақ тўлаш ягона ижтимоий тўловни ҳисоблаб чиқиш объекти ҳисобланмайди;

вақтинчалик меҳнат гувоҳномалари берилганлиги учун тўлов ундиришдан тушган маблағларнинг 60 фоизи Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига – ўзини ўзи банд қилган фуқаро томонидан ягона ижтимоий тўловни тўлаш ҳисобига, 20 фоизи Ўзбекистон Республикаси Бандлик ва меҳнат муносабатлари вазирлиги ҳузуридаги Бандликка кўмаклашиш давлат жамғармасига (кейинги ўринларда Бандликка кўмаклашиш давлат жамғармаси деб аталади) ва 20 фоизи туманлар (шаҳарлар) бюджетларига йўналтирилади;

вақтинчалик меҳнат гувоҳномаси амал қиладиган даврда ўзини ўзи банд қилган фуқаро Бандликка кўмаклашиш давлат жамғармаси маблағлари ҳисобига ишсизга тўланадиган ишсизлик бўйича нафақани ва касбга ўқиш даврида стипендияни ололмайди.

4. Ўзбекистон Республикаси Бандлик ва меҳнат муносабатлари вазирлиги уч ой муддатда:

Ўзбекистон Республикаси Ахборот технологиялари ва коммуникацияларини ривожлантириш вазирлиги билан биргаликда Бандликка кўмаклашиш давлат жамғармаси маблағлари ҳисобига меҳнат гувоҳномаларини олиш учун онлайн-майдончани ишлаб чиқсин ва амалиётга татбиқ этсин, уни Ўзбекистон Республикаси Президентининг “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Фаол инвестициялар ва ижтимоий ривожланиш йили”да амалга оширишга оид Давлат дастури тўғрисида” 2019 йил 17 январдаги ПФ–5635-сон Фармонида мувофиқ жорий этиладиган “Ягона меҳнат миллий тизими” ахборот тизимига интеграциялашни назарда тутсин;

Ўзбекистон Республикаси Ички ишлар вазирлиги билан биргаликда Вақтинчалик бир марталик иш билан таъминлаш бюрolari фаолиятини танқидий таҳлил қилсин ҳамда уларнинг негизида ўзини ўзи банд қилган фуқаролар ва уларнинг хизматлари (ишлари) потенциал буюртмачилари ўртасида шартнома тузиш учун самарали фаолият кўрсатадиган майдончалар

ташқил этиш орқали улар иш усуллари тубдан қайта кўриб чиқиш ва натижадорлигини ошириш юзасидан таклифларни Вазирлар Маҳкамасига киритсин;

манфаатдор вазирликлар ва идоралар билан биргаликда “Реклама тўғрисида”ги Ўзбекистон Республикаси Қонунига ўзини ўзи банд қилиш тартибда меҳнат фаолияти билан шуғулланувчи жисмоний шахслар иш излаётгани ва таклиф этиладиган хизматлар тўғрисида ўз реклама эълонларини жойлаштиришда меҳнат гувоҳномаси борлиги ҳақидаги маълумотларни мажбурий тартибда кўрсатишни назарда тутувчи тегишли ўзгартишлар киритиш бўйича таклифларни тақдим этсин.

5. Ўзбекистон Республикаси Ҳукуматининг 4-иловага мувофиқ айрим қарорларига ўзгартиш ва қўшимчалар киритилсин.

6. Ўзбекистон Миллий телерадиокомпанияси, Ўзбекистон Республикаси Бандлик ва меҳнат муносабатлари вазирлиги, Молия вазирлиги ҳузуридаги бюджетдан ташқари Пенсия жамғармаси, Фуқароларнинг ўзини ўзи бошқариш органлари фаолиятини мувофиқлаштириш бўйича республика кенгаши, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари вақтинчалик меҳнат гувоҳномаларидан фойдаланишнинг, шу жумладан, меҳнат стажини ҳисобга олиш ҳуқуқи билан расмий бандлик мақомини олишнинг ва рағбатлантирувчи имтиёзлар олишнинг устун жиҳатлари ҳақида аҳоли орасида кенг тушунтириш ишларини тизимли ва доимий асосда олиб борсинлар.

7. Ўзбекистон Республикаси Бандлик ва меҳнат муносабатлари вазирлиги манфаатдор вазирликлар ва идоралар билан биргаликда бир ой муддатда:

Ўзбекистон Республикасининг Маъмурий жавобгарлик тўғрисидаги кодексига тадбиркорлик соҳасида ҳуқуқбузарликлар учун маъмурий жавобгарликни назарда тутувчи қўшимчалар киритиш ҳақида таклиф киритсин;

улар қабул қилган норматив-ҳуқуқий ҳужжатларни ушбу қарорга мувофиқлаштирсин.

8. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – молия вазири Д.А. Қўчқоров ва бандлик ва меҳнат муносабатлари вазири Ш.Д.Кудбиев зиммасига юклансин.

Ўзбекистон Республикасининг  
Бош вазири



А. Арипов

Вазирлар Маҳкамасининг  
2019 йил 9 июлдаги  
566-сон қарорига  
1-илова

**Ўзини ўзи банд қилган фуқароларга вақтинчалик  
меҳнат гувоҳномаси бериш тартиби тўғрисида  
Н И З О М**

**1-боб. Умумий қоидалар**

1. Ушбу Низом ўзини ўзи банд қилган фуқароларга вақтинчалик меҳнат гувоҳномасини (кейинги ўринларда вақтинчалик меҳнат гувоҳномаси деб аталади) бериш тартибини белгилайди.

2. Ушбу Низомнинг амал қилиши меҳнат мақоми Ўзбекистон Республикасининг норматив-ҳуқуқий ҳужжатлари билан белгиланган яқка тартибдаги тадбиркорлар, хунармандчилик фаолияти субъектлари ва деҳқон хўжаликлари аъзоларига татбиқ этилмайди.

3. Ушбу Низомда қуйидаги асосий тушунчалардан фойдаланилади:

**ўзини ўзи банд қилганларнинг маълумотлар базаси (регистр)** – "Ягона меҳнат миллий тизими" ахборот тизимида ўзини ўзи банд қилганлар сифатида рўйхатга олинган ўзини ўзи банд қилганлар тўғрисидаги ўзаро боғлиқ ахборотни сақлаш, ўзгартириш ва қайта ишлаш учун мўлжалланган тизимлаштирилган маълумотлар базаси;

**вақтинчалик меҳнат гувоҳномаси** (кейинги ўринларда меҳнат гувоҳномаси деб аталади) – меҳнат органи томонидан бериладиган ва фуқаронинг ўзини ўзи банд қилган фуқаро сифатидаги меҳнат мақомини белгилаб берадиган, меҳнат стажи ҳисобга олиниши ва рағбатлантирувчи имтиёзлардан фойдаланиш ҳуқуқини берадиган ушбу Низомга 1-иловага мувофиқ шакл бўйича ҳужжат;

**ишлар (хизматлар) буюртмачилари** – ўзини ўзи банд қилган фуқароларни шартнома шартларига ёки иш муомаласи одатларига асосланган хизматлар кўрсатиш ва ишларни бажариш бўйича фаолиятга жалб қиладиган фуқаролар ва юридик шахслар (ташкilotлар);

**"Ягона меҳнат миллий тизими" ахборот тизими** (кейинги ўринларда ЯММТ деб аталади) – Ўзбекистон Республикаси Бандлик ва меҳнат муносабатлари вазирлигининг меҳнат ва бандлик масалалари бўйича ахборотни, шу жумладан, фуқароларнинг шахсга доир маълумотларини бирлаштирадиган, шунингдек, бошқа миллий ахборот тизимлари ва платформалари билан ҳамкорликни таъминлайдиган ахборот тизими;

**Ўзини ўзи банд қилган фуқаролар** – меҳнат даромади олишга йўналтирилган жисмоний ва юридик шахсларга хизматлар кўрсатиш, ишларни бажариш бўйича шахсий меҳнати билан иштирок этишга асосланган фаолиятини мустақил амалга оширадиган, яқка тартибдаги тадбиркорлар сифатида рўйхатга олинмаган ва ўз фаолиятида ёлланма ходимлар меҳнатидан фойдаланмайдиган, меҳнат стажи ҳисобга олинмиши ва рағбатлантирувчи имтиёزلардан фойдаланиш ҳуқуқи билан вақтинчалик меҳнат гувоҳномаларини белгиланган тартибда расмийлаштирган жисмоний шахслар;

**онлайн-майдон** – ўзини ўзи банд қилганлар билан меҳнат органларининг электрон алоқа каналлари орқали ўзаро ҳамкорлигини таъминлайдиган ташкилий, ахборот ва техник ечимларнинг дастурий-аппарат комплекси.

4. Меҳнат гувоҳномаси ариза берувчининг хоҳишига кўра жисмоний шахснинг мурожаати асосида 1 ойдан 12 ойгача бўлган муддатга берилади.

5. Меҳнат гувоҳномаси берилган санадан бошлаб ва меҳнат гувоҳномасида кўрсатилган муддатнинг амал қилиши тамом бўлгунга қадар бутун даврга амал қилади.

6. Меҳнат гувоҳномасининг амал қилиш муддати тамом бўлгунга қадар ўзини ўзи банд қилган фуқаро янги меҳнат гувоҳномаси олиш учун такроран мурожаат қилиши мумкин, бунда такрорий мурожаатлар сони чекланмаган.

7. Меҳнат гувоҳномасини бериш учун ўзини ўзи банд қилган фуқаро танлаган амал қилиш муддатига қараб ушбу Низомга 2-иловага мувофиқ миқдорларда ҳақ ундирилади.

8. Меҳнат гувоҳномаси берилганлиги учун тўлов ариза берувчи томонидан меҳнат гувоҳномаси олиш учун ариза берилган вақтда бирийўла тўланади.

9. Меҳнат гувоҳномасини бериш тўғрисидаги ахборот ЯММТга киритилади, ўзини ўзи банд қилганлар тўғрисида маълумотлар базаси (регистр) яратилади ва параллел равишда ЯММТда шакллантириладиган жисмоний шахснинг шахсий ишга жойлашиши тарихига интеграция қилинади.

10. Меҳнат гувоҳномасининг асл нусхаси ўзини ўзи банд қилган фуқарода у пенсия ёшига тўлгунга қадар сақланади, нусхаси эса уни берган меҳнат органида сақланади.

11. Ташкилотлар томонидан ўзини ўзи банд қилган мақомига эга фуқароларни шартнома асосида хизматлар кўрсатиш ва ишларни бажариш бўйича фаолиятга жалб қилишга йўл қўйилади. Бунда ўзини ўзи банд қилган фуқаролар меҳнатига ҳақ тўлаш ягона ижтимоий тўловни ҳисоблаб чиқиш объекти ҳисобланмайди.

12. Меҳнат органлари билан Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси ҳудудий органлари ўртасида ахборот айирбошлаш электрон рақамли имзо (ЭРИ) мажбурий тартибда қўлланган ҳолда фақат идоралараро электрон ҳамкорлик орқали амалга оширилади.

13. Меҳнат гувоҳномалари берилганлиги учун тўлов ундиришдан тушган маблағларнинг:

60 фоизи Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига – ўзини ўзи банд қилган фуқаро томонидан ягона ижтимоий тўловни тўлаш ҳисобига;

20 фоизи меҳнат гувоҳномасини бериш ва рағбатлантирувчи имтиёзлар бериш билан боғлиқ харажатларни қоплаш учун Ўзбекистон Республикаси Бандлик ва меҳнат муносабатлари вазирлиги ҳузуридаги Бандликка кўмаклашиш давлат жамғармасига (кейинги ўринларда Бандликка кўмаклашиш давлат жамғармаси деб аталади);

20 фоизи – тегишли равишда Қорақалпоғистон Республикаси республика бюджетига, вилоятлар ва Тошкент шаҳри маҳаллий бюджетларига йўналтирилади.

14. Меҳнат гувоҳномаси амал қиладиган даврда ўзини ўзи банд қилган фуқаро Бандликка кўмаклашиш давлат жамғармаси маблағлари ҳисобига ишсизга тўланадиган ишсизлик бўйича нафақани ва касбга тайёрлаш, қайта тайёрлаш ва малака ошириш даврида стипендияни ололмайди.

15. Меҳнат гувоҳномалари бланкалари Ўзбекистон Республикаси Марказий банки ҳузуридаги "Давлат белгиси" давлат ишлаб чиқариш бирлашмаси томонидан Бандлик ва меҳнат муносабатлари вазирлигининг меҳнат органлари буюртманомалари бўйича шакллантириладиган буюртмаси бўйича Бандликка кўмаклашиш жамғармаси маблағлари ҳисобига тайёрланади.

16. Ўзини ўзи банд қилиш тартибида меҳнат фаолиятини амалга ошириш натижасида олинган даромадларга жисмоний шахслардан олинган даромад солиғи татбиқ этилмайди.

## **2-боб. Меҳнат гувоҳномасини бериш тартиби**

17. Меҳнат гувоҳномаси меҳнат органлари томонидан фуқароларнинг аризаси асосида ушбу Низомга 3-иловага мувофиқ шакл бўйича берилади.

Ўзини ўзи банд қилган фуқароларга меҳнат гувоҳномаси меҳнат органлари томонидан улар доимий яшаш жойидан катъи назар (экстерриториаллик принципи бўйича) ушбу Низомда белгиланган тартибда берилади.

Меҳнат гувоҳномасини бериш учун ариза ўзини ўзи банд қилган фуқаро томонидан меҳнат органига шахсан тақдим этилиши, вакили орқали, буюртма хат билан ёхуд электрон шаклда меҳнат гувоҳномаларини олиш учун онлайн-майдонча (кейинги ўринларда онлайн-майдонча деб аталади) орқали юборилиши мумкин.

### 18. Аризада:

ариза берувчининг фамилияси, исми ва отасининг исми;

паспорт серияси ва рақами;

солиқ тўловчининг идентификация рақами (СТИР);

ариза берувчи меҳнат гувоҳномасини олишни хоҳлаган муддат (ойлар сони);

ўзини ўзи банд қилган фуқароларга улар бўйича вақтинчалик меҳнат гувоҳномалари бериладиган тасдиқланган Фаолият (хизматлар, ишлар) турлари рўйхатидан хизматлар (ишлар) турлари (ариза берувчининг хоҳишига кўра) кўрсатилади;

ўзини ўзи банд қилиш тартибида меҳнат фаолиятини юритишнинг мўлжалланаётган жойи (худуд) (ариза берувчининг хоҳишига кўра кўрсатилади);

ариза берувчининг почта манзили, мобиль телефон рақами ва у билан боғланиш мумкин бўлган бошқа маълумотлар;

ариза берувчи олишдан манфаатдор бўлган меҳнат органи томонидан тақдим этиладиган имтиёзли хизмат(лар) тур(лар)и кўрсатилади (ариза берувчининг хоҳишига кўра кўрсатилади).

### Аризага:

ариза берувчининг 3x4 ўлчамли битта фотосурати;

меҳнат гувоҳномасини бериш учун ариза беришда ариза берувчи томонидан кўрсатилган муддатга мос миқдорда (ойлар сони) меҳнат гувоҳномаси берилганлиги учун белгиланган тўлов тўланганлигини тасдиқловчи тўлов ҳужжатининг нусхаси илова қилинади.

19. Ўзини ўзи банд қилган фуқаро онлайн-майдонча орқали ариза берган бўлса, уни тасдиқлаш ўз мобиль алоқа воситасига қисқа хабар (кейинги ўринларда SMS-хабар деб аталади) олиш орқали олинган тегишли кодни киритиш йўли билан тасдиқланади.

Бунда аризага қуйидаги файллар бириктирилади:

ариза берувчининг 3x4 ўлчамли фотосуратлари;

ариза берувчи меҳнат гувоҳномасини олишни хоҳлаган муддатга (ойлар сонига) мувофиқ миқдорда меҳнат гувоҳномаси берилганлиги учун белгиланган тўлов тўланганлигини тасдиқловчи сканирланган тўлов ҳужжати. Тўловни онлайн-майдонча орқали амалга оширишга йўл қўйилади.

20. Меҳнат органи уч кун муддатда аризани кўриб чиқади ва ариза берувчини SMS-хабар, ёзма мурожаат, телефон ёки факс орқали қуйидагилар ҳақида огоҳлантиради:

меҳнат гувоҳномасини бериш тўғрисида қарор қабул қилишда – меҳнат гувоҳномаси бериладиган сана ва вақт тўғрисида;

меҳнат гувоҳномаси беришни рад этиш тўғрисида қарор қабул қилинганда – рад этиш сабаби тўғрисида.

Ариза беришда (фотосурат бириктирилган ҳолда) ва онлайн-майдонча орқали тўловни амалга оширишда меҳнат органи ариза берувчини меҳнат гувоҳномаси бериладиган сана ва жой тўғрисида автоматик равишда хабардор қилади.

21. Меҳнат гувоҳномасини беришни рад этиш тўғрисидаги қарор куйидаги ҳолларда қабул қилиниши мумкин:

аризада кўрсатилган ишончсиз ёки тўлиқ бўлмаган маълумотлар аниқланганда;

аризада кўрсатилган фаолият турининг ўзини ўзи банд қилган фуқароларга улар бўйича вақтинчалик меҳнат гувоҳномалари бериладиган тасдиқланган Фаолият (хизматлар, ишлар) турлари рўйхатига мувофиқ эмаслиги;

меҳнат гувоҳномаси бериш учун ариза берилганда ариза берувчи томонидан кўрсатилган муддатга (ойлар сонига) мувофиқ миқдорда меҳнат гувоҳномаси берилганлиги учун белгиланган тўлов тўланганлигини тасдиқлайдиган тўлов ҳужжати нусхасининг, ёхуд пул маблағлари тушганлигининг тасдиғи мавжуд эмаслиги.

Тузатилиши мумкин бўлган хатолар аниқланиши оқибатида меҳнат гувоҳномасини бериш рад этилган тақдирда, ариза берувчига уч иш куни мобайнида тегишли тузатишларни амалга ошириш имконияти берилади.

Меҳнат гувоҳномасини бериш узил-кесил рад этилганда меҳнат гувоҳномасини бериш учун тўланган пул маблағлари тегишли қарор қабул қилинган пайтдан бошлаб ўн иш куни мобайнида ариза берувчи томонидан кўрсатилган ҳисоб рақамига қайтарилиши керак.

22. Йўқотилган ёки яроқсиз ҳолга келиб қолган меҳнат гувоҳномаси ўрнига ўзини ўзи банд қилувчининг меҳнат органига берган аризаси бўйича меҳнат гувоҳномасининг дубликати берилиши мумкин. Бунда меҳнат гувоҳномаси дубликати тайёрланганлиги учун белгиланган базавий ҳисоб-китоб миқдорининг ўн фоизи миқдорида харажатларни қоплаш учун тўлов ундирилади.

**3-боб. Ўзини ўзи банд қилганлар ва уларнинг хизматларидан  
(ишларидан) фойдаланувчилар ўртасидаги фуқаролик-  
ҳуқуқий муносабатлар**

23. Ўзини ўзи банд қилган фуқаролар ва уларни хизматлар кўрсатиш ҳамда ишларни бажариш бўйича фаолиятга жалб қилувчи ташкилотлар (кейинги ўринларда хизматлар ва ишлар буюртмачилари деб аталади)



ўртасидаги фуқаролик-ҳуқуқий муносабатлар шартнома шартларига ёки иш муомаласи одатларига асосланади.

24. Ўзини ўзи банд қилган фуқаро билан хизматлар ва ишлар буюртмачиси ўртасидаги:

иш муомаласи одатларига асосланган ўзаро муносабатларда – оғзаки шаклда битим (шартнома) тузишга йўл қўйилади;

шартнома шартларига асосланган ўзаро муносабатларда – ёзма шаклда шартнома тузиш талаб этилади.

25. Битим (шартнома) тузишда томонлар унинг шартларини, шу жумладан, ундан келиб чиқадиган мажбуриятларни бажариш ва уни тугатиш шартларини мустақил белгилаб оладилар.

26. Битим (шартнома) иштирокчилари унинг томонлари ҳисобландилар, мажбуриятлар қабул қилдилар ва Ўзбекистон Республикаси Фуқаролик кодексига мувофиқ жавоб берадилар.

27. Битимни (шартномани) бажариш билан боғлиқ низолар томонларнинг ўзаро розилиги билан ёки суд тартибида ҳал этилади.

#### **4-боб. Меҳнат гувоҳномасини расмийлаштирган ўзини ўзи банд қилган фуқароларга рағбатлантирувчи имтиёзлар бериш тартиби**

##### **1-§. Меҳнат гувоҳномасининг амал қилиш даврини меҳнат стажига ҳисобга олиш**

28. Меҳнат гувоҳномасида кўрсатилган ўзини ўзи банд қилиш тартибидаги меҳнат фаолиятини амалга ошириш даври "Фуқароларнинг давлат пенсия таъминоти тўғрисида"ги Ўзбекистон Республикаси Қонунига мувофиқ пенсия олиш ҳуқуқига эга бўлинган пайтдан бошлаб ёшга доир, ногиронлик ва боқувчисини йўқотганлик пенсиясини ҳисоблаш учун қабул қилинадиган иш стажига ҳисобланади.

29. Меҳнат гувоҳномаси берилган сана пенсия тайинлаш учун меҳнат стажига ёзиладиган даврнинг биринчи куни, меҳнат гувоҳномасида кўрсатилган амал қилиш муддати тугайдиган сана ушбу даврнинг охири куни ҳисобланади.

30. Ўзини ўзи банд қилиш тартибида меҳнат фаолияти амалга оширилиши даврларини тасдиқлаш учун Пенсия жамғармасининг тегишли бўлими уч кун муддатда ўзини ўзи банд қилувчининг рўйхатдан ўтказилганлиги тўғрисидаги маълумотларни ЯММТдан сўрайди ва олади.

31. ЯММТда жамланадиган, ўзини ўзи банд қилган фуқаронинг маълумотлар базасидан (регистрдан) ва жисмоний шахсни ишга жойлаштириш шахсий тарихидан олинган маълумотлар ҳам ўзини ўзи банд қилиш тартибида ишга жойлаштиришнинг тегишли даврини пенсия ҳисоблаб чиқариш учун жисмоний шахснинг меҳнат стажига ҳисобга олиш учун асос

ҳисобланади. Бунда берилган меҳнат гувоҳномаларини тақдим этиш орқали бу маълумотларни тасдиқлаш талаб этилмайди.

32. Меҳнат гувоҳномасининг амал қилиш даври бу даврда ўзини ўзи банд қилиш тартибда меҳнат фаолияти амалда бажарилганлиги ёки бажарилмаганлигидан қатъи назар пенсияни ҳисоблаб чиқариш учун меҳнат стажига ҳисобланади.

33. Ўзини ўзи банд қилганларга пенсия Ўзбекистон Республикаси Вазирлар Маҳкамасининг 2011 йил 8 сентябрдаги 252-сон қарори билан тасдиқланган Давлат пенсияларини тайинлаш ва тўлаш тартиби тўғрисидаги низомда белгиланган тартибда тайинланади.

## **2-§. Меҳнат гувоҳномаларини расмийлаштирган ўзини ўзи банд қилган фуқароларга Бандликка кўмаклашиш давлат жамғармаси маблағларидан имтиёзли микрокредитлар бериш**

34. Тижорат банклари томонидан ўзини ўзи банд қилган фуқароларга Бандликка кўмаклашиш давлат жамғармаси маблағлари ҳисобига имтиёзли микрокредитлар Ўзбекистон Республикаси Президентининг "Аҳоли бандлигини таъминлаш борасидаги ишларни такомиллаштириш ва самарадорлигини ошириш чора-тадбирлари тўғрисида" 2019 йил 14 июлдаги ПҚ–3856-сон қарорида ва бошқа қонун ҳужжатларида белгиланган тартибда ажратилади.

35. Меҳнат органлари камида олти ой амал қиладиган муддатга меҳнат гувоҳномасини расмийлаштирган ўзини ўзи банд қилган фуқароларга имтиёзли микрокредитлар ажратиш учун тижорат банкларига тавсиялар берадилар.

36. Ўзини ўзи банд қилганларга имтиёзли микрокредит бозор иқтисодиёти принципларидан келиб чиқиб, техник-иқтисодий асосларни ва кредитни қайтариш салоҳиятини ҳисобга олиб, ўзини ўзи банд қилган фуқароларга вақтинчалик меҳнат гувоҳномалари бериш учун тасдиқланган Фаолият (хизматлар, ишлар) турлари рўйхатида назарда тутилган фаолият (ишлар, хизматлар) тур(лар)ини амалга ошириш ва ривожлантириш мақсадларида ажратилади.

37. Ўзини ўзи банд қилганларга микрокредитлар меҳнат гувоҳномаси амал қиладиган даврда ажратилади.

## **3-§. Ўзини ўзи банд қилганларни ўқитишни ташкил этиш**

38. Меҳнат гувоҳномасини расмийлаштирган ўзини ўзи банд қилган фуқаролар ишсизлар ва банд бўлмаган шахсларни касбга ўқитиш марказларида, касб-хунар коллежларида ҳамда Ўзбекистон Республикаси Бандлик ва меҳнат муносабатлари вазирлиги ҳузуридаги "Ишга марҳамат" банд бўлмаган аҳолига хизмат кўрсатиш мономарказида, бошқа касбга ўқитиш марказларида, шу жумладан, нодавлат касбга ўқитиш марказларида (кейинги ўринларда касбга ўқитиш марказлари деб аталади) уч ойгача давом этадиган

кисқа муддатли касбга ўқитиш, қайта ўқитиш ва малака ошириш, шунингдек, тадбиркорлик кўникмаларини ўргатиш курсларида (кейинги ўринларда касбга ўқитиш деб аталади) бепул ўқитилади.

39. Касбга ўқитиш марказларида ўзини ўзи банд қилганларни касбга ўқитишни ташкил этиш ва ўқитиш учун харажатлар Бандликка кўмаклашиш жамғармаси маблағлари ҳисобига молиялаштирилади.

40. Ўзини ўзи банд қилган фуқаро ўқишдан ўтиш учун олдин меҳнат гувоҳномасини берган меҳнат органига ўқиш йўналишини ва ўқиш бошланадиган тахминий санани кўрсатган ҳолда мурожаат қилади.

41. Меҳнат органи ўзини ўзи банд қилган фуқаронинг мурожаати асосида тегишли ўқитиш дастурларини танлайди ва зарур дастурлар бўлганда ўзини ўзи банд қилган фуқарога тегишли касбга ўқитиш марказига йўлланма беради.

42. Ўзини ўзи банд қилган фуқаро(лар)ни ўз(лар)и танлаган йўналиш(лар) ва муддатлар бўйича касбга ўқитиш марказига касбга ўқитиш учун юбориш имконияти бўлмаганда меҳнат органи касбга ўқитиш марказларида ўқитишнинг тегишли йўналишлари бўйича ўқув гуруҳлари ташкил этиш учун буюртманомани шакллантиради.

#### **4-§. Ўзини ўзи банд қилганларни жамоат ишларига жалб қилиш ва меҳнат қуроолларини ижарага бериш**

43. Ўзини ўзи банд қилган фуқаро ўз хоҳишига кўра жамоат ишларига белгиланган тартибда жалб қилиниши мумкин.

44. Меҳнат органлари ўзини ўзи банд қилганларга меҳнат қуроолларини (мотокультиваторлар, ўт ўриш ўроқ машиналари, перфораторлар, пайвандлаш аппаратлари, ўсимликларга ишлов бериш қурилмалари, дурадгорлик, чилангарлик ва қурилиш ускуналари ва ҳоказоларни), шахсий ҳимоя воситаларини ва иш кийимини имтизли асосда бериш пунктларини ташкил этади.

45. Ўзини ўзи банд қилганларга имтиёзли асосида бериш учун меҳнат қуроолари ва шахсий ҳимоя воситалари Бандлик ва меҳнат муносабатлари вазирлиги ҳузурдаги Жамоат ишлари жамғармаси маблағлари ҳисобига харид қилинади.

#### **5-боб. Яқунловчи қондалар**

46. Вақтинчалик меҳнат гувоҳномалари бутун Ўзбекистон Республикаси ҳудудида амал қилади.

47. Вақтинчалик меҳнат гувоҳномаси амал қиладиган даврда ўзини ўзи банд қилган фуқаро меҳнат шартномасида кўрсатилган фаолият (хизматлар, ишлар) тур(лар)идан ташқари ўзини ўзи банд қилган фуқароларга улар бўйича вақтинчалик меҳнат гувоҳномалари бериладиган тасдиқланган Фаолият (хизматлар, ишлар) турлари рўйхатига киритилган исталган бошқа фаолият (хизматлар, ишлар) турларини амалга оширишга ҳақлидир.

48. Ўзини ўзи банд қилганлар томонидан кимёвий ва осон портлайдиган моддаларни қўллашни талаб қиладиган хизматлар (ишлар) бажарилишига йўл қўйилмайди.

49. Ўзини ўзи банд қилиш тартибида ишларни бажарувчи шахслар билан ёки улар иштирокида юз берган бахтсиз ҳодисалар ва соғлиққа етказилган бошқа зарарлар "Меҳнатни муҳофаза қилиш тўғрисида"ги Ўзбекистон Республикаси Қонунига мувофиқ текширилиши ва ҳисобга олиниши лозим.

50. Буюртмачи – юридик шахс ўзини ўзи банд қилган шахсга меҳнат фаолиятини амалга ошириш учун меҳнатга доир қонун ҳужжатларида назарда тутилган тартибда хавфсиз шарт-шароитларни таъминлаши шарт.


51. Ўзини ўзи банд қилган фуқаро сифатида рўйхатга олишни ва меҳнат гувоҳномаси беришни рад қилиш билан боғлиқ юзага келадиган низолар қонун ҳужжатларида белгиланган тартибда ҳал этилади.

52. Ушбу Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

Ўзини ўзи банд қилган фуқароларга  
вақтинчалик меҳнат гувоҳномаси бериш  
тартиби тўғрисидаги низомга  
1-илова

НАМУНА

Ўзини ўзи банд қилган фуқаронинг  
вақтинчалик меҳнат гувоҳномаси

 <p>ФОТО 3 x 4</p>	<p>UZ</p> <p><b>Fuqaroning o'zini o'zi band qilish vaqtinchalik mehnat guvohnomasi</b></p> <p><b>00 UZ №000000</b></p> <ol style="list-style-type: none"><li>1. O'zini o'zi band qilgan fuqaroning F.I.O. _____</li><li>2. Pasport seriyasi va raqami № _____</li><li>3. O'zini o'zi band qilgan fuqaroning STIR raqami _____</li><li>4. _____ oyga berilgan</li><li>5. Amal qilish muddati boshlanadi: « _____ » _____ 20__ yil</li><li>6. Amal qilish muddati tugaydi: « _____ » _____ 20__ yil</li><li>7. O'zini o'zi band qilgan fuqaro faoliyat turi kodi: O'O'B - 0.0.1 O'O'B - 0.0.2</li></ol> <p>O'zini o'zi band qilgan fuqaroning imzosi: _____ _____ (tuman, shahar) aholi bandligiga ko'maklashish markazi tomonidan berilgan. Markaz direktorining imzosi: _____ M.O'.</p>
--	---

## **Ўзини ўзи банд қилган фуқаронинг вақтинчалик меҳнат гувоҳномаси тавсифи**

Гувоҳнома ўлчами 102 мм х 62 мм бўлган, зичлиги бир квадрат метрга 140+/-5 граммли тўғри бурчакли 100 фоиз пахтадан ясалган махсус қоғозда\* тайёрланади. Қоғоз қатлами орасига жойлашган, ультрабинафша нурда кўринадиган кўк ва оч яшил рангли тола ҳамда нурда яхши ажралиб турадиган «пахта чаноғи» кўринишидаги умумий «сув белги»си мавжуд.

Офсетли ёзув, ҳудуд коди, серияси икки ҳарfli, тартиб рақами олти сонли.

Бланка қуйидаги махсус ҳимояларга эга:

кимёвий таъсирга бардошли матбаа бўёғидан фойдаланилган, юза қисмидаги катакларда нусха олишга ва сканер қилишга қарши ингичка чизиқлар мавжуд. Бир рангдан бошқа рангга расм чизиқлари бузилмасдан оҳиста кўшилиб кетиши таъминланган. Жуда катталаштирилганда ультрабинафша нурда кўринмайдиган микроматн кўрилади. Махсус қабарик ва ўйиқлар мавжуд.

Лотин алифбосида давлат тилида ёзилган матндан фойдаланилади.

Гувоҳномадаги ёзувлар гувоҳномани берган Махсус хизматлар марказининг мансабдор шахси томонидан амалга оширилади ҳамда унинг имзоси ва махсус штамп билан тасдиқланади.

Гувоҳнома паспорт ёки шахсни тасдиқловчи бошқа ҳужжат кўрсатилганда ҳақиқийдир.

\*) Ариза берувчининг хоҳишига кўра ва техник имкониятлар бўлганда белгиланган намунадаги гувоҳнома халқаро стандартлар тавсиялари асосида ўлчами 102 мм х 62 мм бўлган пластикдан тайёрланиши мумкин. Гувоҳноманинг ранги – оқ. Лотин алифбосидаги давлат тилидан фойдаланилади.

Ўзини ўзи банд қилган фуқароларга  
вақтинчалик меҳнат гувоҳномаси бериш  
тартиби тўғрисидаги низомга  
2-илова

Ўзини ўзи банд қилган фуқароларга вақтинчалик  
меҳнат гувоҳномаси берилганлиги учун ундириладиган  
**ТЎЛОВ МИҚДОРЛАРИ**

Вақтинчалик меҳнат гувоҳномаси қуйидаги муддатга берилади (ойлар)	Тўлов миқдори (базавий ҳисоблаш миқдори баравари)
1	0,5
3	1,4
6	2,6
9	3,7
12	4,5

Ўзини ўзи банд қилган фуқароларга  
вақтинчалик меҳнат гувоҳномаси бериш  
тартиби тўғрисидаги низомга  
3-илова

**Ўзини ўзи банд қилувчининг вақтинчалик  
меҳнат гувоҳномасини бериш учун  
аризаси**

**Намуна**

\_\_\_\_\_ тумани (шаҳри)  
Бандликка кўмаклашиш маркази

\_\_\_\_\_  
(ариза берувчининг Ф.И.О.)

\_\_\_\_\_  
(жойлашган жойи)

**АРИЗА**

Менга ўзини ўзи банд қилувчининг вақтинчалик меҳнат гувоҳномасини беришингизни ва мени “Ягона меҳнат миллий тизими” ахборот тизимида ўзини ўзи банд қилган сифатида рўйхатдан ўтказишингизни сўрайман.

Фамилияси, исми, отасининг исми: \_\_\_\_\_

Паспорт: серия \_\_\_\_ № \_\_\_\_\_.

Солиқ тўловчининг идентификация рақами: \_\_\_\_\_

Ўзини ўзи банд қилган шахс сифатида амалга оширилаётган фаолият тур(лар)и (хизматлар, ишлар): \_\_\_\_\_

Гувоҳнома қуйидаги муддатга сўралаёпти: \_\_\_\_ ой.

Ўзини ўзи банд қилган шахс меҳнат фаолияти амалга ошириладиган тахминий жой: \_\_\_\_\_

Алоқа қилиш учун маълумотлар:

Уй манзили: \_\_\_\_\_

Телефон: \_\_\_\_\_, SMS-хабар учун телефон: \_\_\_\_\_

электрон почта \_\_\_\_\_

Шахсий имзо: \_\_\_\_\_

Ариза берилган сана: 20\_\_ йил «\_\_» \_\_\_\_\_

Ариза қабул қилинганлиги ҳақидаги белги:

Ариза қабул қилинган сана: 20\_\_ йил «\_\_» \_\_\_\_\_

\_\_\_\_\_  
(масъул шахснинг Ф. И.О. ва лавозими)



Вазирлар Маҳкамасининг  
2019 йил 9 июлдаги  
566-сон қарорига  
2-илова

**Ўзини ўзи банд қилган фуқароларга  
вақтинчалик меҳнат гувоҳномасини бериш  
СХЕМАСИ**

<b>Босқич-лар</b>	<b>Субъект</b>	<b>Тадбирлар</b>	<b>Ижро муддати</b>
<b>1-босқич</b>	Ўзини ўзи банд қилган фуқаро	Ўзини ўзи банд қилган фуқаронинг вақтинчалик меҳнат гувоҳномасини олиш учун тегишли меҳнат органига 3x4 ўлчамли фотосуратни илова қилган ҳолда ариза (коғоз ёки электрон шаклда) беради.	Ариза берувчининг хоҳишига кўра
<b>2-босқич</b>	Меҳнат органи	<ol style="list-style-type: none"><li>1. Аризада кўрсатилган маълумотларнинг тўлиқлигини текширади.</li><li>2. “Ягона меҳнат миллий тизими” ахборот тизимига маълумотларни киритади ва аризани рўйхатга олади.</li><li>3. Ариза берувчига: гувоҳнома бериш тўғрисида қарор қабул қилинганда – гувоҳнома бериладиган сана ва жой; гувоҳнома беришни рад этиш тўғрисида қарор қабул қилинганда – рад этиш сабаби тўғрисида sms-хабар юборади.</li></ol>	Ариза тушганидан кейин 3 иш куни мобайнида
<b>3-босқич</b>	Ўзини ўзи банд қилган фуқаро	<ol style="list-style-type: none"><li>1. Паспортнинг рақами ва сериясини ҳамда СТИРни кўрсатган ҳолда белгиланган миқдорда тўлов тўлайди.</li><li>2. Меҳнат органида шахсан ўзи ёки вакили орқали ўзини ўзи банд қилган фуқаронинг расмийлаштирилган вақтинчалик меҳнат гувоҳномасини олади.</li></ol>	Ариза берилган санадан бошлаб 3 иш куни мобайнида

Вазирлар Маҳкамасининг  
2019 йил 9 июлдаги  
566-сон қарорига  
3-илова

**Ўзини ўзи банд қилган фуқароларга вақтинчалик меҳнат гувоҳномалари  
бериладиган фаолият (хизматлар, ишлар) турлари  
РЎЙХАТИ**

<b>Т/р</b>	<b>Фаолият (хизматлар, ишлар) турининг номи</b>	<b>Фаолият (хизматлар, ишлар) тури коди*</b>
1	Уйда репетиторлик қилиш – болалар ва катталар билан таълим фанлари бўйича яқка тартибда ва гуруҳ бўлиб машгулотлар ўтказиш	О'О'В - 1.1.1
2	Болаларга қараб туриш ва уларни парвариш қилиш бўйича жисмоний шахсларга кўрсатиладиган хизматлар	О'О'В - 1.1.2
3	Беморлар ва ўзгалар парваришига муҳтож кекса шахсларга қараб туриш ва уларни парвариш қилиш бўйича жисмоний шахсларга кўрсатиладиган хизматлар	О'О'В - 1.1.3
4	Уй хўжалигини юритиш ва уй ишларини бажариш, шу жумладан, турар жойларни тозалаш, овқат пишириш бўйича уй хўжаликларига хизмат кўрсатиш	О'О'В - 1.1.4
5	Хизмат биноларини тозалаш, юридик шахс ҳудудини ободонлаштириш ва кўкаламзорлаштириш	О'О'В - 2.1.1
6	Уйда мебелларни таъмирлаш ва йиғиш	О'О'В - 1.1.5
7	Мураккаб бўлмаган умумий қурилиш, таъмирлаш-қурилиш ишлари (бетон қуйиш, бўёқчилик, сувоқчилик, ғишт ва кафель териш, перфорация, дурадгорлик, чилангарлик ва бошқа умумий қурилиш ишлари)	О'О'В - 1.2.1
8	Сантехника ускунасини майда таъмирлаш ва ўрнатиш	О'О'В - 1.2.2
9	Квартира ичида (шахсий қурилиш ишларида – уй ичида) электр монаж ишлари (электр хавфсизлиги бўйича рухсат бўлганда)	О'О'В - 1.2.3
10	Дехқон ва фуқароларнинг томорқа участкаларида ер чопиш ва рекультивация ишлари	О'О'В - 1.3.1
11	Фермер хўжаликлари эгалари буюртмаси бўйича қишлоқ хўжалиги ишлари (қишлоқ хўжалиги ўсимликлари ва ҳайвонларга қараб туриш, қишлоқ хўжалиги экинларини йиғиш ва бошқа қишлоқ хўжалиги ишлари)	О'О'В - 1.3.2

Т/р	Фаолият (хизматлар, ишлар) турининг номи	Фаолият (хизматлар, ишлар) тури коди*
12	Фуқароларнинг дала-ҳовли ва томорқа участкалари ландшафтини тузиш ишлари	О'О'В - 1.3.3
13	Қишлоқ хўжалиги ўсимликларини экиш ва парвариш қилишда, қишлоқ хўжалиги экинлари ҳосилини йигиб олишда деҳқон ва томорқа участкалари эгаларига ёрдам бериш	О'О'В - 1.3.4
14	Чорва молларини ўтлатиш, уларга қараб туриш	О'О'В - 1.3.5
15	Компьютерларни таъмирлаш ва созлаш, лицензиланган дастурий таъминот ўрнатиш, сайтларни, компьютер дизайнини ишлаб чиқиш, тизим маъмури хизматлари	О'О'В - 1.4.1
16	Буюртмачининг уйида бажариладиган маиший техникани таъмирлаш	О'О'В - 1.4.2
17	Автомобилларни майда таъмирлаш	О'О'В - 1.4.3
18	Автомобиль ювиш, автомобиллар кузовларини силлиқлаш	О'О'В - 1.4.4
19	Механизация воситаларини қўлламай бажариладиган юк ортиш-юк тушириш ишлари	О'О'В - 1.5.1
20	Макулатура, пластик идиш, темир-терсак ва қўшимча хомашё тўплаш	О'О'В - 1.5.2
21	Халқ таботати (лицензияси бўлганда)	О'О'В - 1.6.1
22	Бош хизматкор ва консъерж хизматларини кўрсатиш	О'О'В - 1.7.1
23	Товарларни етказиб бериш, экспедиторлик хизматлари кўрсатиш, шу жумладан, шахсий транспортдан фойдаланиб етказиб бериш (юк ташиш бундан мустасно)	О'О'В - 1.8.1
24	Хизмат биноларини тозалаш, юридик шахс ҳудудини ободонлаштириш ва кўкаламзорлаштириш	О'О'В - 2.1.1

*\*) Фаолият (хизматлар, ишлар) тури коди ўзини ўзи банд қилган фуқаронинг вақтинчалик меҳнат гувоҳномасида кўрсатилади.*

Вазирлар Маҳкамасининг  
2019 йил 9 июлдаги  
566-сон қарорига  
4-илова

### **Ўзбекистон Республикаси Ҳукуматининг айрим қарорларига киритилаётган ўзгартиш ва қўшимчалар**

1. Вазирлар Маҳкамасининг 2010 йил 19 февралдаги 30-сон қарори билан тасдиқланган Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси тўғрисидаги низомнинг 10-банди “б” кичик бандида:

а) қуйидаги мазмундаги саккизинчи хатбоши қўшилсин:

“Ўзини ўзи банд қилган фуқаролар учун вақтинчалик меҳнат гувоҳномалари берилганлиги учун олинган маблағларнинг 60 фоизи”;

б) саккизинчи хатбоши тегишли равишда тўққизинчи хатбоши деб хисоблансин.

2. Вазирлар Маҳкамасининг 2011 йил 9 сентябрдаги 252-сон қарори билан тасдиқланган Давлат пенсияларини тайинлаш ва тўлаш тартиби тўғрисидаги низомнинг 12-бандига қуйидаги мазмундаги кичик банд қўшилсин:

“р) ўзини ўзи банд қилган фуқаролар учун вақтинчалик меҳнат гувоҳномасининг асли ёки дубликати”.

3. Вазирлар Маҳкамасининг “Ишга жойлаштиришга муҳтож аҳоли сонини аниқлаш, шу жумладан, уй хўжалиklarини меҳнат билан бандлик масалалари бўйича ўрганишлар ўтказиш, шунингдек, меҳнат ресурслари, бандлик ва аҳолини ишга жойлаштириш балансини шакллантириш методикасини такомиллаштириш тўғрисида” 2017 йил 22 декабрдаги 1011-сон қарорида:

а) 2-илованинг 4-позицияси “Маълумотлар мазмуни” устунига қуйидаги мазмундаги хатбоши қўшилсин:

“Ўзини ўзи банд қилган фуқаролар учун амалдаги вақтинчалик меҳнат гувоҳномасига эга бўлган фуқароларининг ўртача йиллик сони”;

б) 4-илова 9-бандининг тўртинчи хатбошига “деҳқон хўжалиги аъзолари” сўзларидан кейин “Ўзини ўзи банд қилган фуқаролар учун вақтинчалик меҳнат гувоҳномасига эга бўлган фуқаролар” сўзлари қўшилсин.

4. Вазирлар Маҳкамасининг “Ўзбекистон Республикаси Бандлик ва меҳнат муносабатлари вазирлиги фаолиятини такомиллаштириш чоратadbирлари тўғрисида” 2018 йил 31 декабрдаги 1066-сон қарорида (Ўзбекистон Республикаси ҚТ, 2018 й., 12-сон, 320-модда):

а) 1-илованинг 10-банди 2-кичик бандига қуйидаги мазмундаги хатбоши қўшилсин:

“ўзини ўзи банд қилиш тартибида меҳнат фаолиятини амалга оширишда фуқароларга кўмаклашади, уларнинг рўйхатга олинишини ва уларга вақтинчалик меҳнат гувоҳномалари берилишини белгиланган тартибда таъминлайди, ўзини ўзи банд қилган фуқароларга рағбатлантирувчи имтиёзлар бериш чораларини кўради”;

б) 2-иловада:

6-банднинг еттинчи хатбоши қуйидаги тахрирда баён қилинсин:

“қонун ҳужжатларида белгиланган тартибда меҳнат дафтарчалари бланкаларини реализация қилишдан ва ўзини ўзи банд қилган фуқароларга вақтинчалик меҳнат гувоҳномалари беришдан тушган даромадлар”;

8-бандда:

қуйидаги мазмундаги ўттиз тўртинчи хатбоши қўшилсин:

“ўзини ўзи банд қилган фуқаролар учун вақтинчалик меҳнат гувоҳномасини олган фуқароларга рағбатлантирувчи имтиёзлар бериш”;

ўттиз тўртинчи хатбоши ўттиз бешинчи хатбоши деб ҳисоблансин.